

十八家詩鈔卷六目錄

李太白五古下百九十八首

同友人舟行遊台越作

下終南山過斛斯山人宿置酒

朝下過盧郎中敘舊遊

邯鄲南亭觀妓

春陪商州襄使君遊石娥溪

春日陪楊江甯及諸官宴北湖感古作

宴鄭參卿山池

遊謝氏山亭

金陵鳳凰臺置酒

秋浦清溪雪夜對酒客有唱鷓鴣者

與周剛青溪玉鏡潭宴別

遊秋浦白筴陂二首

汎沔州城南郎官湖

夜汎洞庭尋裴侍御清酌

與南陵常贊府遊五松山

宣城清溪

遊水西簡鄭明府

九日登山

九日

陪族叔當塗宰遊化城寺升公清風亭

登錦城散花樓

登峨眉山

大庭庫

登單父陶少府半月臺

天台曉望

早望海霞邊

焦山杳望松寥山

登太白峯

登邯鄲洪波臺置酒觀發兵

登廣武古戰場懷古

登金陵冶城西北謝安墩

登梅岡望金陵贈族姪高座寺僧中孚

望廬山瀑布二首

江上望皖公山

望黃鶴山

九日登巴陵置酒望洞庭水軍

秋登巴陵望洞庭

登巴陵開元寺西閣贈衡嶽僧方外

金陵望漢江

登敬亭北二小山余時客逢崔侍御竝登此地

安州應城玉女湯作

之廣陵宿常二南郭幽居

郢門秋懷

荆門浮舟望蜀江

上三峽

自巴東舟行經瞿塘峽登巫山最高峯晚還題壁

江行寄遠

下涇縣陵陽溪至澁灘

下陵陽沿高溪三門六刺灘

宿鰕湖

西施

王右軍

上元夫人

商山四皓

自廣平乘醉走馬六十里至邯鄲登城樓覽古書懷

蘇武

經下邳圯橋懷張子房

秋夜板橋浦汎月獨酌懷謝朓

金陵新亭

過彭蠡湖

望鸚鵡洲悲禰衡

宿巫山下

金陵白楊十字巷

經南陵題五松山

姑熟十詠

與元丹邱方城寺談玄作

尋高鳳石門山中元丹邱

安州般若寺水閣納涼喜遇薛員外又

月下獨酌四首

春歸終南山松龍舊隱

冬夜醉宿龍門覺起言志

尋山僧不遇作

過汪氏別業二首

待酒不至

獨酌

友人會宿

春日獨酌二首

金陵江上遇蓬池隱者

日夕山中忽然有懷

春日醉起言志

廬山東林寺夜懷

對酒

嘲王歷陽不肯飲酒

憶崔郎中宗之遊南陽遺吾孔子琴撫之潸然感舊

望月有懷

春滯沅湘有懷山中

落日憶山中

憶秋浦桃花舊遊時竄夜郎

越中秋懷

效古二首

感遇二首

擬古十二首

感興八首

寓言三首

秋夕旅懷

感遇四首

翰林讀書言懷呈集賢院內諸學士

尋陽紫極宮感秋作

江上秋懷

秋夕書懷

避地司空原言懷

南奔書懷

荊州賊亂臨洞庭言懷作

覽鏡書懷

江南春懷

魯東門觀刈蒲

詠鄰女東窗海石榴

南軒松

求崔山人百丈崖瀑布圖

見野草中有名白頭翁者

瑩禪師房觀山海圖

詠桂二首

宣城長史弟昭贈余琴溪中雙舞鶴詩以見志

題隨州紫陽先生壁

題元丹邱山居

題元丹邱潁陽山居

題瓜洲新河餞族叔舍人賁

洗腳亭

題金陵王處士水亭

題嵩山逸人元丹邱山居

嘲魯儒

懼讒

平虜將軍妻

嵩山采菖蒲者

金陵聽韓侍御吹笛

白田馬上聞鶯

雜詩

寄遠十二首

代贈遠

閨情

代別情人

代秋情

湖邊采蓮婦

學古思邊

折荷有贈

秋浦寄內

自代內贈

秋浦感主人歸鷺寄內

送內尋廬山女道士李騰空二首

在尋陽非所寄內

自溧水道哭王炎三首

十八家詩鈔卷六目錄

善化黃維申襄校

十八家詩鈔卷六

湘鄉曾國藩纂 合肥李鴻章審訂 東湖王定安校

李太白五古下百九十八首

同友人舟行遊台越作

楚臣傷江楓謝客拾海月懷沙去瀟湘挂席汎溟渤蹇予訪前
蹟獨往造窮髮古人不可攀去若浮雲沒願言弄倒影從此鍊
真骨華頂窺絕冥蓬壺望超忽不知青春度但怪綠芳歇空持
釣鼈心從此謝魏闕

下終南山過斛斯山人宿置酒 長安

暮從碧山下山月隨人歸卻顧所來徑蒼蒼橫翠微相攜及田

家童稚

一作稚子

開荆扉綠竹入幽徑青蘿拂行衣歡言得所憩美

酒聊共揮長歌吟松風曲盡河星稀我醉君復樂陶然共忘機

朝下過盧郎中敘舊遊

君登金華省我入銀臺門幸遇聖明主俱承雲雨恩復此休澣
時閑爲疇昔言卻話山海事宛然林壑存明湖思曉月疊嶂憶
清猿何由返初服田野醉芳樽

邯鄲南亭觀妓

燕趙

歌鼓

一作妓

燕趙兒魏姝弄鳴絲粉色豔月彩舞袖

一作衫拂花枝

把酒頌

一作顧

美人請歌邯鄲詞清箏何繚繞度曲綠雲垂平原

君安在科斗生古池座客三千人于今知有誰我輩不作樂但

爲後代悲

春陪商州裴使君遊石娥溪

時欲東歸遂有此贈

裴公有仙標拔俗數千丈澹蕩滄洲雲飄飄紫霞想剖竹商洛
開政成心已閑蕭條出世表冥寂閉玄關我來屬芳節解榻時
相悅褰帷對雲峯揚袂指松雪塹出東城邊遂遊西巖前橫天
聳翠壁噴壑鳴紅泉尋幽殊未歇愛此春光發溪傍饒名花石
上有好月命駕歸去來露華生綠苔淹留惜將晚復聽清猿哀
清猿斷人腸遊子思故鄉明發首東路此歡焉可忘

春日陪楊江甯及諸官宴北湖感古作

金陵

昔聞顏光祿攀龍宴京

一作重又作明

湖樓船入天鏡帳殿開雲衢君

王歌大風如樂豐沛都延年獻嘉作邈與詩人俱我來不及此
獨立鍾山孤楊宰穆清風一作芳聲騰海隅英寮滿四座粲若
瓊林敷鷁首弄倒景蛾眉掇明珠新絃來一作黎園古舞嬌吳
歛曲度繞雲清一作漢聽者皆歡娛鷄棲何嘈嘈江一作月沸笙
竽古之帝宮苑今乃人樵蘇感此勸一觴願君覆瓢壺榮盛一作
時盛當作樂無令後賢吁

宴鄭參卿山池

爾恐碧草晚我畏朱顏移愁看楊花飛置酒正相宜歌聲送落
日舞影迴清池今夕不盡杯畱歡更邀誰

遊謝氏山亭

淪老臥江海再歡天地清病閑久寂寞歲物徒芬榮借君西池
遊聊以散我情埽雪松下去捫蘿石道行謝公池塘上春草一作
風颯已生花枝拂人來山鳥向我鳴田家有美酒落日與之傾
醉罷弄歸月遙欣稚子迎

金陵鳳凰臺置酒

置酒延落景金陵鳳凰臺長波寫萬古心與雲俱開借問往昔
時鳳凰爲誰來鳳凰去已久正當今日迴明君越羲軒天老坐
三台黃帝之相天子力牧豪士無所用彈絃醉金罍東風吹山花安可不
盡杯六帝沒幽草深宮冥綠苔置酒勿復道歌鐘但相催

秋浦清溪雪夜對酒客有唱鷓鴣者

秋浦

披君

一作我

貂檐楡對君白玉壺雪花酒上滅頓覺夜寒無客有

桂陽至能吟山鷓鴣清風動窗竹越鳥起相呼持此足為樂何

煩笙與竽

與周剛青溪玉鏡潭宴別

潭在秋浦桃樹陂下予新名此潭

康樂上官去永嘉遊石門江亭有孤嶼千載蹟猶存我來憩秋

浦三人桃陂源千峯照

一作點

積雪萬壑盡嘒猿興與謝公合文

因周子論埽崖去落葉席月開金樽溪當大樓南溪水正南奔

迴作玉鏡潭澄明洗心魂此中得佳境可以絕囂喧清夜方歸

來酣

一作蓮

歌出平原別後經此地為予謝蘭蓀

遊秋浦白筴陂二首

何處夜行好。月明白。竒陂山光搖積雪。猿影挂寒枝。但恐佳景晚。小令歸棹移。人來有清興。及此有相思。

白竒夜長嘯。爽然溪谷寒。魚龍動陂水。處處生波瀾。天借一明月。飛來碧雲端。故鄉不可見。腸斷正西看。

汎沔州城南郎官湖

並序

乾元歲秋八月。白遷於夜郎。遇故人尚書郎張謂。出使夏口。沔州牧杜公漢陽。宰王公觴於江城之南湖。樂天。下之再平也。方夜。水月如練。清光可掇。張公殊有勝概。四望超然。乃顧白曰。此湖古來賢豪遊者。非一而枉踐。佳景寂寥。無聞夫子。可爲我標之。嘉名以傳。不朽。白因。

舉酒酌水號之曰郎官湖亦猶鄭圃之有僕射陂也席
上文士輔翼岑靜以爲知言乃命賦詩紀事刻石湖側
將與大別山共相磨滅焉

張公多逸興其汎沔城隅當時秋月好不減武昌都四座醉清
光爲歡古來無郎官愛此水因號郎官湖風流若未減名與此
山俱

夜汎洞庭尋裴侍御清酌

日晚湘水綠孤舟無端倪明湖漲秋月獨汎巴陵西遇憩裴逸
人巖居陵丹梯抱琴出深竹爲我彈鷓鴣曲盡酒亦傾北窗醉
如泥人生且行樂何必組與珪

與南陵常贊府遊五松山

山在南陵銅井西五里有古精舍

安石汎溟渤獨嘯長風還逸韻動海上高情出人閒靈異可竝
蹟澹然與世閒我來五松下置酒窮躋攀徵古絕遺老因名五
松山五松何清幽勝境美沃洲蕭颯鳴洞壑終年風雨秋響入
百泉去聽如三峽流翦竹埽天花且從傲吏遊龍堂若可想吾
欲歸精脩

宣城清溪

一作入清溪山

清溪勝榻廬水木有佳色山貌日高古石容天傾側綵鳥昔未
名白猿初相識不見同懷人對之空歎息

遊水西簡鄭明府

天宮水西寺雲錦照東郭清湍鳴迴溪綠竹繞飛閣涼風日蕭
灑幽客時憩泊五月思貂裘謂言秋霜落石蘿引古蔓岸筍開
新籜吟翫空復情相思爾佳作鄭公詩人秀逸韻宏寥廓何當
一來遊愜我雪山諾

九日登山

淵明歸去來不與世相逐爲無杯中物遂偶本州牧因招白衣
人笑酌黃花菊我來不得意虛過重陽時題輿何後發

周景爲豫州刺

史薛陳蕃爲別駕不就景題別駕輿曰陳仲舉

遂結城南期築土接響山俯臨宛水湄

胡人叫玉笛越女彈霜絲自作英王畀斯樂不可窺赤鯉湧琴
高白龜道冰夷靈仙如彷彿莫醉遙相知古來登高人今復幾

人在滄洲違宿諾。明日猶可待。連山似驚波。合沓出溟海。揚袂揮四座。酌酎安所知。齊歌送清觴。起舞亂參差。賓隨落葉散。帽逐秋風吹。別後登此臺。願言長相思。

九日

今日雲景好。水綠秋山明。攜壺酌流霞。舉菊泛寒榮。地遠松石古。風揚絃管清。窺觴照歡顏。獨笑還自傾。落帽醉山月。空歌懷友生。

陪族叔當塗宰遊化城寺升公清風亭

化城若化出。金榜天宮開。疑是海上雲。飛空結樓臺。升公湖上

一作秀粲然有辯才。濟人不利己。立俗無嫌猜。了見水中月。青

蓮出塵埃閑居清風亭左右清風來當暑陰廣殿太陽為徘徊
茗酌待幽客珍盤薦彫梅飛文何灑落萬象為之摧季父擁鳴
琴德聲布雲雷雖遊道林室亦一作不舉陶潛杯清樂動諸天長
松自吟哀留歡若可盡劫石乃成灰已上遊宴

登錦城散花樓蜀中。以下登覽

日照錦城頭朝光散花樓金窗夾繡戶珠箔懸瓊鉤飛梯綠雲
中極目散我憂一作愁暮雨向三峽春江繞雙流今來一登望如

上九天遊

登峨眉山

蜀國多仙山峨眉邈難匹周流試登覽絕怪安可悉青冥倚天

開彩錯疑畫出冷然紫霞賞果得錦囊術雲間吟瓊簫石上弄
寶瑟平生有微尚歡笑自此畢煙容如在顏塵累忽相失儻逢
騎羊子攜手凌白日

大庭庫

魯中

朝登大庭庫雲物何蒼然莫辨陳鄭火空羶鄒魯煙我來尋梓
慎觀化入寥天古木翔氣多松風如五絃帝圖終冥沒歎息滿

山川

登單父陶少府半月臺

陶公有逸興不與常人俱築臺像半月迴向

一作出

高城隅置酒

望白雲商

一作高

飈起寒梧秋山入遠海桑柘羅平蕪水色綠且

明一作清

令人思鏡湖終當過江去愛此暫踟躕

天台曉望

吳中

天台鄰四明華頂高百越

華頂峯在天台縣東北六十里

門標赤城霞樓棲滄

島月憑高遠登覽直下見溟渤雲垂大鵬翻波動巨鼇沒風潮
爭洶湧神怪何翕忽觀奇蹟無倪好道心不歇攀條摘朱實服
藥鍊金骨安得生羽毛千春臥蓬闕

早望海霞邊

四明三千里朝起赤城霞日出紅光散分輝照雪崖一餐嚙瓊
液五內發金沙舉手何所待嵩龍白虎車

焦山杳望松寥山

石壁望松寥宛然在碧霄安得五彩虹架天作長橋仙人如愛
我舉手來相招

登太白峯

西上太白峯夕陽窮登攀太白與我語爲我開天關願乘冷風
去直出浮雲間舉手可近月前行若無山一別武功去何時復
更還

登邯鄲洪波臺置酒觀發兵

燕趙○時
將遊薊門

我把兩赤羽來遊燕趙聞天狼正可射感激無時閑觀兵洪波
臺倚劒望玉關請纓不繫越且向燕然山風引龍虎旗歌鐘昔

憶一作追攀擊筑落高月投壺破愁顏遙知百戰勝定掃鬼方還

登廣武古戰場懷古

秦鹿奔野草。逐之若飛蓬。項王氣蓋世。紫電明雙瞳。呼吸八千人。橫行起江東。赤精斬白帝。叱咤入關中。兩龍不並躍。五緯與天同。楚滅無英圖。漢興有來功。按劍清八極。歸酣歌大風。伊昔臨廣武。連兵決雌雄。分我一杯羹。太皇乃汝翁。戰爭有古蹟。壁壘頽層穹。猛虎吟洞壑。飢鷹鳴秋空。翔雲列曉陣。殺氣赫長虹。撥亂屬豪聖。俗儒安可通。沈湎呼豎子。狂言非至公。撫掌黃河曲。嗷嗷阮嗣宗。

登金陵冶城西北謝安墩

自注此墩即晉太傅謝安與右軍王羲之同登超然有高世之

志余將營園其上故作是詩

晉室昔橫潰永嘉遂南奔沙塵何茫茫龍虎鬪朝昏胡馬風漢

草馬牛其風謂奔逸也胡馬天驕燧中原哲匠感頽運雲鵬忽

飛翻組練照楚國旌旗連海門西秦百萬眾戈甲如雲屯投鞭

可填江一掃不足論一作投策可填皇運有反正醜虜無遺魂

談笑邊橫流蒼生望斯存治城訪古蹟一作至今猶有謝安墩

憑覽周地險高標絕人喧想像東山姿緬懷右軍言梧桐識佳

樹蕙草畱芳根白鷺映春洲青龍見朝暎地古雲物在臺傾禾

黍繁我來酌清波於此樹名園功成拂衣去歸入一作武陵源

首十句敘元帝中興都金陵西秦八句敘謝安破秦兵事治城句以下述登覽之懷

登梅岡望金陵贈族姪高座寺僧中孚

鍾山抱金陵霸氣昔騰發天一作神開帝王居海色照宮闕羣峯

如逐鹿奔走相馳突江水九道來雲端遙明沒時遷大運去龍

虎勢休歇我來屬天清登覽窮楚越吾宗挺禪伯特秀鸞鳳骨

一作吾宗道門秀特異鸞鳳骨眾星羅青天朗者獨有月冥居順生理草木不

剪伐煙窗引薜薇石壁老野蕨吳風謝安屐白足微履襪綫宿

一下山一作下蕭然忘干謁談經演金偈降鶴舞海雪時聞天

香來了與世事絕佳遊不可得春去惜遠別賦詩畱巖屏千載

庶不滅

望廬山瀑布尋陽○附

西登香爐峯南見一作望瀑布水挂流三百丈一作千匹噴壑數十

里歛如飛電

一作練

來隱若白虹起初驚河漢

一作銀河

落半灑雲天

裏

一作半瀉金潭裏

仰觀勢轉雄壯哉造化功海風吹不斷

一作江

月

照還空空中亂灑射左右洗青壁飛珠散輕霞流沫沸穹石而我遊名山對之心益閑無論漱瓊液且得洗塵顏且偕宿所好

承願辭人閒

一作集譜宿所好承永不歸人閒

日照香爐生紫煙遙看瀑布挂長川飛流直下三千尺疑是銀

河落九天

一本題云望與星斗連日照香爐生紫煙下兩句同

廬山香爐峯瀑布曰廬山上

江上望皖公山

宿松

奇峯出奇雲秀木含秀氣清宴皖公山巉絕稱人意獨遊滄江

上終日淡無味但愛茲嶺高何由討靈異默然遙相許欲往心

莫遂待吾還丹成投蹟歸此地

望黃鶴山

江夏岳陽

東望黃鶴山雄雄半空出四面生白雲中峯倚紅日巖巒行穹
跨峯嶂亦冥密頗聞列仙人於此學飛術一朝向蓬海千載空
石室金竈生煙埃玉潭祕清謐地古遺草木庭寒老芝朮蹇余
羨攀躋因欲保閑逸觀奇徧諸嶽茲嶺不可匹結心寄青松永
悟客情畢

九日登巴陵置酒望洞庭水軍

時賊逼華容縣

九日天氣清登高無秋雲造化闢川嶽了然楚漢分長風鼓橫
波合沓蹙龍文憶昔傳遊豫樓船壯橫汾今茲討鯨鯢旌旆何

續紛白羽落酒樽洞庭羅三軍黃花不撥手戰鼓遙相聞劍舞
轉積陽當時日停曛酣歌激壯士可以摧妖氛踞踞東籬下淵
明不足羣杜公譏四皓爲局促太白譏淵明爲踞踞自是詩人傑句過矣若謂其辭雖譏之其意實欽之乃爲窺見古人深處耳

秋登巴陵望洞庭

清晨登巴陵周覽無不極明湖映天光徹底見秋色秋色何蒼
然際海俱澄鮮山青滅遠樹水綠無寒煙來帆出江中去鳥向
日邊風清長沙浦霜空雲夢田瞻光惜積髮閱水悲徂年北渚
旣蕩漾東流自潺湲郢人唱白雪越女歌採蓮聽此更腸斷憑

崖淚如泉

登巴陵開元寺西閣贈衡嶽僧方外

衡嶽有開士五峯秀真骨見君萬里心海水照秋月大臣南溟
去問道皆請謁灑以甘露言清涼潤肌髮明湖落天鏡香閣凌
銀闕登眺餐惠風新花期啟發

金陵望漢江

漢江迴萬里派作九龍盤橫潰豁中國崔嵬飛迅湍六帝淪亡
後三吳不足觀我君混區宇垂拱眾流安今日任公子滄浪罷
釣竿

登敬亭北二小山余時客逢崔侍御竝登此地

送客謝亭北逢君縱酒還屈盤戲白馬大笑上青山迴鞭指長

安西日落秦關帝鄉三千里杳在碧雲間

已上登覽

安州應城玉女湯作

安州。以下行役。

神女歿幽境湯池流大川陰陽結炎炭造化開靈泉地底爍朱
火沙傍歆素煙沸珠躍晴月皎鏡涵空天氣浮蘭芳滿色漲桃
花然精覽萬殊入潛行七澤連愈疾功莫尚變盈道乃全濯纓
掬清泚晞髮弄潺湲散下楚王國分澆宋玉田可以奉巡幸柰
何隔窮偏獨隨朝宗水赴海輸微涓

之廣陵宿常二南郭幽居

淮南

綠水接柴門有如桃花源忘憂或假草滿院羅叢萱暝色湖上
來微雨飛南軒故人宿茅宇夕鳥歸楊園還惜詩酒別深爲江

海言明朝廣陵道獨憶此傾樽

郢門秋懷

荊州江夏岳陽

郢門一爲客巴月三成弦朔風正搖落行子愁歸旋杳杳山外日茫茫江上天人迷洞庭水雁度瀟湘煙清曠偕夙好緝磷及此年百齡何蕩漾萬化相推遷空謁蒼梧帝徒尋溟海仙已聞蓬嶽淺豈見三桃園倚劒增浩歎捫襟還自憐終當遊五湖濯足滄浪泉

荆門浮舟望蜀江

春水月峽來浮舟望安極正見桃花流依然錦江色江色綠且明茫茫與天平透迤巴山盡搖曳楚雲行雪照聚沙雁花飛出

谷鶯芳洲卻已轉碧樹森森迎流日浦煙夕揚帆海月生江陵
識遙火應到渚宮城

上三峽

巫山夾青天巴水流若茲巴水忽可盡青天無到時三朝上黃
牛三暮行太遲三朝又三暮不覺鬢成絲

自巴東舟行經瞿塘峽登巫山最高峯晚還題壁

江行幾千里海月十五圓始經瞿塘峽遂步巫山巔巫山高不
窮巴國盡所歷日邊攀垂蘿霞外倚穹石飛步凌絕頂極目無
纖煙卻顧失丹壑仰觀臨青天青天若可捫銀漢去安在望雲
知蒼梧記水辨瀛海周遊孤光晚歷覽幽意多積雪照空谷悲

風鳴森柯歸途行欲曛佳趣尙未歇江寒早唳猿松暝已吐月
月色何悠悠清猿響啾啾辭山不忍聽揮策還孤舟

江行寄遠

剡木出吳楚危槎百餘尺疾風吹片帆日暮千里隔別時酒猶
在已爲異鄉客思君不可得愁見江水碧

下涇縣陵陽溪至澁灘

澁灘鳴嘈嘈兩山足猿猱白波若卷雪側石不容舸漁人與舟
人撐折萬張篙

下陵陽沿高溪三門六刺灘

三門橫峻灘六刺走波瀾石驚虎伏起水狀龍縈盤何慙七里

瀨使我欲垂竿

宿鰕湖

雞鳴發黃山。暝投鰕湖宿。白雨映寒山。森森似銀竹。提攜採鉛客。結荷水邊沐。半夜四天開。星河爛人目。明晨大樓去。岡隴多屈伏。當與持斧翁。前溪伐雲木。已上行役

西施吳越。以下懷古。

西施越溪女。出自苕蘿山。秀色掩今古。荷花羞玉顏。浣紗弄碧水。自與清波閑。皓齒信難開。沈吟碧雲間。句踐徵絕豔。揚蛾入吳關。提攜館娃宮。杳渺詎可攀。一破夫差國。千秋竟不還。

王右軍

右軍本清真瀟灑在風塵山陰遇羽客要此好鵝寶埽素寫道
經筆精妙入神書罷龍鵝去何曾別主人

上元夫人

上元誰夫人偏得王母嬌嗟峨三角髻餘髮散垂腰裘披青毛
錦身著赤霜袍手提羸女兒閑與鳳吹簫眉語兩自笑忽然隨
風飄見上元夫人道君弟子也嘗與西王母俱降於漢宮事
見漢武內傳羸女秦穆公女弄玉也喜吹簫作鳳鳴

商山四皓

白髮四老人昂藏南山側偃臥松雪閒冥翳不可識雲窗拂青
靄石壁橫翠色龍虎方戰爭於焉自休息秦人失金鏡漢祖昇
紫極陰虹濁太陽前星遂淪匿一行佐明兩歛起生羽翼功成

身不居舒卷在胸臆。官冥合元化。茫昧信難測。飛聲塞天衢。萬

古仰遺蹟

自廣平乘醉走馬六十里至邯鄲登城樓覽古書懷燕趙

醉騎白花駱一作馬西走邯鄲城。揚鞭動柳色。寫鞞春風生。入郭

登高樓。山川與雲平。深宮翳綠草。一作雄都萬事傷人情。相如

章華巔。猛氣折秦嬴。兩虎不可鬪。廉公終負荆。提攜袴中兒。杵

臼及程嬰。空孤獻白刃。一作立孤必死耀丹誠。平原三千客。談

笑盡豪英。毛君能穎脫。二國且同盟。皆為黃泉土。使我涕縱橫。

磊磊石子岡。蕭蕭白楊聲。諸賢一作賢豪沒此地。碑版有殘銘。太古

共今時。由來互衰榮。傷哉何足道。感激仰空虛。一作名趙俗愛長

劍文儒少逢迎閑從博陵

一作徒

遊帳飲雪朝醒

一作中醒

歌酣易

水動鼓震叢臺頌日落把燭歸凌晨向燕京方陳五餌策一使

胡塵清

相如廉頗程嬰杵臼平原毛穎三端乃趙事之最大者

蘇武

蘇武在匈奴十年持漢節白雁上林飛空傳一書札牧羊邊地

苦落日歸心絕渴飲月窟冰飢餐天上雪東還沙塞遠北愴河

梁別泣把李陵衣相看淚成血

經下邳圯橋懷張子房

淮泗

子房未虎嘯破產不為家滄海得壯士椎秦博浪沙報韓雖不

成天地皆振動潛匿遊下邳豈曰非智勇我來圯橋上懷古欽

英風唯見碧流水。曾無黃石公歎息。此人去。蕭條徐泗空。

秋夜板橋浦。汎月獨酌懷謝朓。

天上何所有。迢迢白玉繩。斜低建章闕。耿耿對金陵。漢水舊如練。霜江夜清澄。長川瀉落月。洲渚曉寒凝。獨酌板橋浦。古人誰可徵。空暉難再得。灑酒氣填膺。

金陵新亭

金陵風景好。豪士集新亭。舉目山河異。偏傷周顛情。四座楚囚悲。不憂社稷傾。玉公何慷慨。千載仰雄名。

過彭蠡湖 潯陽

謝公入彭蠡。因此遊松門。余方窺石鏡。兼得窮江源。前賞迹可

見後來道空存而欲繼風雅豈唯清心魂雲海方助興波濤何足論青嶂憶遙月綠蘿鳴愁猿水碧或可採金膏祕莫言余將振衣去羽化出囂煩

望鸚鵡洲悲禰衡

魏帝營八極蟻觀一禰衡黃祖斗筲人殺之受惡名吳江賦鸚鵡落筆超羣英鏘鏘振金玉句句欲飛鳴鸞鵲啄孤鳳千春傷我情五嶽起方寸隱然詎可平才高竟何施冥識冒天刑至今芳洲上蘭蕙不忍生

宿巫山下

巫峽

昨夜巫山下猿聲夢裏長桃花飛綠水三月下瞿塘雨色風吹

去南行拂楚王高邱懷宋玉訪古一羈裳

金陵白楊十字巷

白楊十字巷北夾湖溝道不見吳時人空生唐年草天地有反

覆宮城盡傾倒六帝餘古邱樵蘇泣遺老

經南陵題五松山

一作南陵五松山感時
贈別山名銅坑村五里

聖達有去就潛光愚其德魚與龍同池龍去魚不測當時板築

輩豈知傳說情一朝和

一作雨

殷人光氣為列星伊尹生空桑捐

庖佐皇極桐宮放太甲攝政無愧色三年帝道明委質終輔翼

曠哉至人心萬古可為則時命或大謬仲尼將

一作其

柰何鸞鳳

忽覆巢麒麟不來過迤山蔽魯國有斧且無柯歸去來歸去來

歸去來一作歸來宵濟越洪渡

姑熟十詠

姑熟谿

谿至蕪湖縣東北流至太平入江

愛此溪水閑乘流興無極漾楫怕鷗驚垂竿待魚食波翻曉霞影岸疊春山色何處浣紗人紅顏未相識

丹陽湖

湖在當塗縣東南七十里

湖與元氣連風波浩難止天外賈客歸雲間片帆起龜遊蓮葉上烏宿蘆花裏少女棹輕舟歌聲逐流水

謝公宅

謝朓宅在當塗城東青山

青山日將暝寂寞謝公宅竹裏無人聲池中虛月白荒庭衰草

徧廢并蒼苔積。唯有清風閑。時時起泉石。

陵歆臺

臺在當塗城北黃山宋武
帝嘗登此臺且建離宮

曠望登古臺。臺高極人目。疊嶂列遠空。雜花開平陸。閒雲入窗

牖。野翠生松竹。欲覽碑上文。苔侵豈堪讀。

桓公井

桓溫井在當塗東
五里白紵山上

桓公名已古。廢井曾未竭。石贅冷蒼苔。寒泉湛孤月。秋來桐暫

落。春至桃還發。路遠人罕窺。誰能見清澈。

慈姥竹

當塗西北四十五里有慈
姥山上出竹堪為簫管

野竹攢石生。含煙映江島。翠色落波深。虛聲帶寒早。龍吟曾未

聽。鳳曲吹應好不學。蒲柳凋貞心。常自保。

望夫山

望夫石在當塗正當和州郡樓昔有婦登此山望夫化為石

寫望臨碧空。怨情感離別。江草不知愁。巖花但爭發。雲山萬重

隔。音信千里絕。春去秋復來。相思幾時歇。

牛渚磯

牛渚磯與和州橫江渡相對昔有人潛行云此處通洞庭旁達無底

絕壁臨巨川。連峯勢相向。亂石流湑間。迴波自成浪。但驚羣木

秀。莫測精靈狀。更聽猿夜嘯。憂心醉江上。

靈墟山

靈墟山在當塗南十里

丁令辭世人。拂衣向仙路。伏鍊九丹成。方隨五雲去。松蘿蔽幽

洞。桃杏深隱處。不知曾化鶴。遼海歸幾度。

天門山

天門山在當塗西南三十里東曰博望西曰天門即今之東西梁山也

迴出江上山雙峯自相對岸映松色寒石分浪花碎參差遠天

際縹緲晴霞外落日舟去遙迴首沈青靄已上懷古

與元丹邱方城寺談玄作蜀中○一作仙城山寺○以下閑適

茫茫大夢中唯我獨先覺騰轉風火來假合作容貌滅除昏疑
盡領略入精要澄慮觀此身因得通寂照朗悟前後際始知金
仙妙幸逢禪居人酌玉坐相召彼我俱苦喪雲山豈殊調清風
生虛空明月見談笑怡然青蓮宮永願恣遊眺

尋高鳳石門山中元丹邱楚漢

尋幽無前期乘興不覺遠蒼崖渺難涉白日忽欲晚未窮三四
山已歷千萬轉寂寂聞猿愁行行見雲收高松上好月空谷宜

清秋谿深古雪在石斷寒泉流峯巒秀中天登眺不可盡丹邱
邊相呼顧我忽而晒遂造窮谷開始知靜者閑畱歡達永夜清
曉方言還

安州般若寺水閣納涼喜遇薛員外父

安州

脩然金園賞遠近含晴光樓臺成海氣草木皆天香忽逢青雲
士共解丹霞裳水退池上熱風生松下涼吞討破萬象褰窺臨
眾芳而我遺有漏與君用無方心垢都已滅永言題禪房

月下獨酌四首

長安

花間一壺酒獨酌無相親舉杯邀明月對影成三人月既不解
飲影徒隨我身暫伴月將影行樂須及春我歌月徘徊我舞影

凌亂醒時同交歡醉後各分散永結無情遊相期邈雲漢

天若不愛酒酒星不在天地若不愛酒地應無酒泉天地既愛

酒愛酒不愧天已聞清比聖復道濁如賢賢聖既已飲何必求

神仙三杯通大道一斗合自然但得醉中趣勿為醒者傳

三月咸陽時一作城千花畫如錦一作好鳥吟清風落花散如錦

誰能春獨愁對此徑須飲窮通與脩短造化夙所稟一樽齊死

生萬事固難審醉後失天地兀然就孤枕不知有吾身此樂最

為甚

窮愁千萬端一作有美酒三百杯一作唯愁多酒雖少酒傾愁

不來所以知酒聖一作賢酒酣心自開辭粟臥首陽一作餓屢空

十八家言金
飢一作悲

作

顏回當代

不樂飲虛名

安用哉

蟹螯卽金液

糟邱是蓬

萊且須飲美酒
乘月醉高臺

春歸終南山
松龍舊隱

我來南山陽
事事不異昔
卻尋溪中水
還望巖下石
薔薇綠東
窗女蘿遶北壁
別來能幾日
草木長數尺
且復命酒樽
獨酌陶
永夕

冬夜醉宿龍門覺起言志

洛陽

醉來脫寶劍
旅憩高堂眠
中夜忽驚覺
起立明燈前
開軒聊直
望曉雪河冰
壯哀哀歌苦
寒鬱鬱獨惆
悵傅說版築
臣李斯鷹
犬人飈起匡
社稷甯復長
艱辛而我胡
爲者歎息龍
門下富貴

未可期殷憂向誰寫去去淚滿襟舉聲梁甫吟青雲當自致何必求知音

尋山僧不遇作

金陵

石徑入丹壑松門閉青苔閑階有鳥蹟禪室無人開窺窗見白拂挂壁生塵埃使我空歎息欲去仍徘徊香雲隔山起花雨從天來已有空樂好况聞青猿哀了然絕世事此地方悠哉

過汪氏別業二首

遊山誰可遊子明與浮邱壘嶺礙河漢連峯橫斗牛汪生面北阜池館清且幽我來感意氣撻魚列珍羞掃石待歸月開池漲寒流酒酣益爽氣爲樂不知秋

疇昔未識君。知君好賢才。隨山起館宇。鑿石營池臺。大火五月
中。景風從南來。數枝石榴發。一丈荷花開。恨不當此時。相過醉
金罍。我行值木落。月苦清猿哀。永夜達五更。吳歛送瓊杯。酒酣
欲起舞。四座歌相催。日出遠海明。軒車且徘徊。更遊龍潭去。枕
石拂莓苔。

待酒不至

玉壺繫青絲。沽酒來何遲。山花向我笑。正好銜杯時。晚酌東窗
下。流鶯復在茲。春風與醉客。今日乃相宜。

獨酌

春草如有意。羅生玉堂陰。東風吹愁來。白髮坐相侵。獨酌勸孤

影。閑。歌。面。芳。林。長。松。爾。何。知。一作本無情蕭瑟爲誰吟。手舞石上月。

膝。橫。花。間。琴。過。此。一。壺。外。悠。悠。非。我。心。一本云春草變綠野新鶯有佳音落日不盡歡

恐爲愁所侵獨酌勸孤影閑歌面芳林清風尋空來碧松與共吟手舞石上月膝橫花下琴過此一壺外悠悠非我心

友人會宿

滌蕩千古愁。畱連百壺飲。良宵宜清談。皓月未能寢。醉來臥空

山。天。地。即。衾。枕。

春日獨酌二首

東風扇淑氣。水木榮春暉。白日照綠草。落花散且飛。孤雲還空

山。眾鳥各已歸。彼物皆有託。吾生獨無依。對此石上月。長歌醉

芳菲

李太白下

我有紫霞想。緬懷滄洲閒。且對一壺酒。澹然萬事閑。橫琴倚高松。把酒望遠山。長空去鳥沒。落日孤雲還。但悲光景晚。宿昔成秋顏。

金陵江上遇蓬池隱者

自注時於落星石上以紫綺裘換酒爲歡

心愛名山遊。身隨名山遠。羅浮麻姑臺。此去或未返。遇君蓬池隱。就我石上飯。空言不成歡。強笑惜日晚。綠水向雁關。黃雲蔽龍山。歎息兩客鳥。徘徊吳越閒。一語一執手。畱連夜將久。解我紫綺裘。且換金陵酒。酒來笑復歌。興酣樂事多。水影弄月色。清光柰愁何。明晨挂帆席。離恨滿滄波。

日夕山中忽然有懷

廬山

久臥名

一作青

山雲遂爲名

一作青

山客山深雲更好賞弄終日夕

月銜樓閣峯泉漱階下石素心自此得真趣非外借颺颺桂方

秋風滅籟歸寂緬思洪崖術欲往滄海

一作島

隔雲車來何遲撫

已空歎息

春日醉起言志

處世若大夢胡爲勞其生所以終日醉頽然臥前楹覺來眴庭
前一鳥花閒鳴借問此何時春風語流鶯感之欲歎息對酒還
自傾浩歌待明月曲盡已忘情

廬山東林寺夜懷

我尋青蓮宇獨往謝城闕霜清東林鐘水白虎溪月天香生虛

空天樂鳴不歇。宴坐寂不動。大千入毫髮。湛然冥真心。曠劫斷
出沒。

對酒

勸君莫拒杯。春風笑人來。桃李如舊識。傾花向我開。流鶯曉碧
樹。明月窺金壘。昨來朱顏子。今日白髮催。棘生石虎殿。鹿走姑
蘇臺。自古帝王宅。城闕閉黃埃。君若不飲酒。昔人安在哉。

嘲王歷陽不官飲酒

歷陽

地白風色寒。雪花大如手。笑殺陶淵明。不飲杯中酒。浪撫一張
琴。虛栽五株柳。空負頭上巾。吾於爾何有。

已上
閑適

憶崔郎中宗之遊南陽遺吾孔子琴撫之潛然感舊以下
懷思

昔在南陽城。唯餐獨山蕨。憶與崔宗之。白水弄素月。時過菊潭上。縱酒無休歇。況此黃金花。頽然清歌發。一朝摧玉樹。生死殊飄忽。雷我孔子琴。琴存人已沒。誰傳廣陵散。但哭邙山骨。泉戶何時明。長歸狐兔窟。

望月有懷

清泉映疏松。不知幾千古。寒月搖輕波。流光入窗戶。對此空長吟。思君意何深。無因見安道。興盡愁人心。

春滯沅湘有懷山中

沅湘春色還。風暖煙草綠。古之傷心人。於此腸斷續。予非懷沙客。但美採菱曲。所願歸東山。寸心於此足。

落日憶山中

雨後煙景綠晴天散餘霞東風隨春歸發我枝上花
花落時欲暮見此令人嗟願遊名山去學道飛丹砂

憶秋浦桃花舊遊時竄夜郎

桃花春水生白石今出沒搖蕩女蘿枝半挂青天月不知舊行
徑初拳幾枝蕨三載夜郎還於茲鍊金骨已上懷思

越中秋懷以下感遇

越水繞碧山周迴數千里乃是天鏡中分明畫相似一本首四句云蹈海
思仲連遊山慕康樂攀雲窮千峯弄水涉萬壑下同愛此從冥搜永懷臨滿遊一作林

為滄波客十見紅葉秋觀濤壯天險望海令人愁路遠迫西照

舟
歲晚悲東流何必探禹穴誓將歸蓬邱不然五湖上亦可乘扁

效古二首

朝入天苑中謁帝蓬萊宮青山映輦道碧樹搖煙空謬題金闈
籍得與銀臺通待詔春明主抽毫頌清風歸時落日晚躩蹠浮
雲驄人馬本無意飛馳自豪雄入門紫鴛鴦金井雙梧桐清歌
弦古曲美酒沽新豐快意且爲樂列筵坐羣公光景不可畱生
世如轉蓬早達勝晚遇羞比垂釣翁

此太白因晚節窮困回憶昔年遇主寵榮之時末二

句反言之凡寓言言類多迷離其辭

自古有秀色西施與東鄰蛾眉不可妬况乃效其頰所以尹婕

李自下

好羞見那夫人低頭不出氣塞默少精神寄語無鹽子如君何

足珍此晒妬已謔詠者都無才望皆碌碌庸流耳

感遇二首

寶劍雙蛟龍雪花照芙蓉精光射天地電騰不可衝一去別金

匣飛沈失相從風胡一作聖人歿已久所以潛其鋒吳水深萬丈楚

山邈千重雌雄終不隔神物會當逢

咸陽二三月百鳥鳴花枝一作宮柳黃金枝玉劍誰家子西秦豪俠兒

一作綠幘誰家子賣珠輕薄兒日暮醉酒歸白馬驕且馳意氣人所仰一作傾遊

治方及時子雲不曉事晚獻長楊詞賦達身已老草玄鬢若絲

投閣良可歎但為此輩嗤

擬古十二首

青天何歷歷明星白如石黃姑與織女相去不盈尺銀河無鵲
橋非時將安適閨人理紈素遊子悲行役瓶冰知冬寒霜露欺
遠客客似秋葉飛飄飄不言歸別後羅帶長愁寬去時衣乘月
託宵夢因之寄金微此託爲思婦望征夫之辭

高樓人青天下有白玉堂明月看欲墮當窗懸清光遙夜一美

人羅衣霑秋霜含情弄柔瑟彈作陌上桑弦聲何激烈風卷繞

飛梁行人皆躑躅棲鳥去回翔但寫妾意苦莫辭此曲傷願逢

同心者飛作紫鴛鴦此託爲貞婦不二心之辭陌上桑羅敷作以自明其心者

長繩難繫日自古共悲辛黃金高北斗不惜買陽春石火無留

十八家詩少

光還如世中人卽事已如夢後來我誰身提壺莫辭貧取酒會

四鄰仙人殊悅惚未若醉中真此託為痛飲者及時行樂之意

清都綠玉樹灼爍瑤臺春攀花弄秀色遠贈天仙人香風送紫

蕊直到扶桑津恥擬世上豔所貴心之珍相思傳一笑聊欲示

情親此香草以喻美人之意

今日風日好明日恐不如春風笑於人何乃愁自居吹簫舞彩

鳳酌醴繪神魚千金買一醉取樂不求餘達士遺天地東門有

二疏愚夫同瓦石有才知卷舒無事坐悲苦塊然涸轍魚此卷舒自

由坦懷行樂之意

運速天地閉胡風結飛霜百草死冬月六龍頽西荒太白出東

方彗星揚精光鴛鴦非越鳥何爲眷南翔惟昔鷹將犬今爲侯

與王得水成蛟龍爭池奪鳳皇北斗不酌酒南箕空簸揚此首指安

史之亂六龍頽西荒喻明皇幸蜀也鴛鴦二句太白自喻在江南爲永王所汙染也惟昔二句謂諸將不過鷹天之材忽躋侯

王之尊也

世路今太行迴車竟何託萬族皆凋枯遂無少可樂曠野多白

骨幽魂共銷鑠榮貴當及時春華宜照灼人非崑山玉安得長

璀璨身沒期不朽榮名在麟閣此首言仕途險巇非已所立名於身後耳

月色不可掃客愁不可道玉露生秋衣流螢飛百草日月終銷

毀天地同枯槁蝮蛄唬青松安見此樹老金丹甯誤俗昧者難

精討爾非千歲翁多恨去世早飲酒人玉壺藏身以爲寶此首欲飲

酒學仙以

遺愁思

生者為過客。死者為歸人。天地一逆旅。同悲萬古塵。月兔空擣

藥。扶桑已成一作薪白骨。寂無言。青松豈知春。前後更歎息。浮

榮何足珍。此與十九首中之迴車駕言。適去者日以疏。二首同意。

仙人騎彩鳳。昨下閬風岑。海水三清淺。桃源一見尋。遺我綠玉

杯。兼之紫瓊琴。杯以傾美酒。琴以閑素心。二物非世有。何論珠

與金。琴彈松裏風。杯勸天上月。風月長相知。世人何倏忽。

涉江弄秋水。愛此荷花鮮。攀荷弄其珠。蕩漾不成圓。佳期綵雲

重欲贈。隔遠天相思。無由見。悵望涼風前。此亦採芳以詠美人之辭。

去去復去去。辭君還憶君。漢水既殊流。楚山亦此分。人生難稱

意豈得長爲羣越。鷺喜海日燕鴻。思胡雲別久容華晚。琅玕不能飯。日落知天昏。夢長覺道遠。望夫登高山。化石竟不返。

此亦託爲

貞婦思夫之辭

感興八首

瑤姬天帝女。精彩化朝雲。宛轉入夢宵。無心向楚君。錦衾抱秋月。綺席空蘭芬。茫昧竟誰測。虛傳宋玉文。

洛浦有宓妃。飄飄雪爭飛。輕雲拂素月。了可見清輝。解珮欲西走。含情詎相違。香塵動羅襪。綠水不沾衣。陳王徒作賦。神女豈同歸。好色傷大雅。多爲世所譏。

裂素持作書。將寄萬里懷。眷眷待遠信。竟歲無人來。征鴻務從

五古 李白下

陽又不爲我棲委之在深篋蠹魚壞其題何如投水中流落他人開不惜他人開但恐生是非

芙蓉嬌綠波桃李誇白日偶蒙春風榮生此豔陽質豈無佳人色但恐花不實宛轉龍火飛零落互相失詎知凌寒松千載長守一

十五遊神仙仙遊未曾歇吹笙吟松風汎瑟窺海月西山玉童子使我鍊金骨欲逐黃鶴飛相呼向蓬闕

西國有美女結樓青雲端蛾眉豔曉月一笑傾城歡高節奪明主炯心如凝丹常恐彩色晚不爲人所觀安得配君子共成雙

揭來荆山客誰爲珉玉分良寶絕見奔虛持三獻君直木忌先
伐芬蘭哀自焚盈滿天所損沈冥道所羣東海有碧水西山多
白雲魯連及夷齊可以躡清芬

嘉穀隱豐草草深苗且稀農夫既不異孤穗將安歸常恐委疇
隴忽與秋蓬飛烏得薦宗廟爲君生光輝

寓言三首

周公負斧辰成王何夔夔武王昔不豫剪爪投河湄賢聖遇讒
慝不免人君疑天風拔大木禾黍咸傷萎管蔡扇蒼蠅公賦鴟
鴟詩金縢若不啟忠信誰明之

遙裔雙綵鳳婉孌三青禽往還瑤臺裏鳴舞玉山岑以歡秦娥

意復得王母心驅驅精衛鳥銜木空長吟
長安春色歸先入青門道綠楊不自持從風欲傾倒海鷺還秦
宮雙飛入簾櫳相思不可見託夢遼城東

秋夕旅懷

涼風度秋海吹我鄉思飛連山去無際流水何時歸日夕浮雲
色心斷明月暉芳草歇柔豔白露催寒衣夢長銀漢落覺罷天
星稀含歎想舊國泣下誰能揮

感遇四首

吾愛王子晉得道伊洛濱金骨既不毀玉顏長自春可憐浮邱
公倚靡與情親舉手白日開分明謝時人二仙去已遠夢想空

殷勤

可歎東籬菊莖疏葉且微雖言異蘭蕙亦自有芳菲未汎盈樽
酒徒沾清露輝當榮君不採飄落欲何依

昔余聞嫦娥竊藥駐雲髮不自嬌玉顏方希鍊金骨飛去身莫
返含笑坐明月紫宮誇蛾眉隨手會凋歇

宋玉事楚王立身本高潔巫山賦綵雲郢路歌白雪舉國莫能
和巴人皆卷舌一惑登徒言恩情遂中絕已上感遇

翰林讀書言懷呈集賢院內諸學士長安○以下寫懷

晨趨紫禁中夕待金門詔觀書散遺帙探古窮至妙片言苟會
心掩卷忽而笑青蠅易相點白雪難同調本是疏散人屢貽編

促詔雲天屬。清朗林壑。憶遊眺。或時清風來。閑倚欄。一作下嘯

巖光桐廬溪。謝客臨海嶠。功成謝人君。一作從此一投釣。

尋陽紫極宮感秋作

何處聞秋聲。脩脩北窗竹。迴薄萬古心。攬之不盈掬。靜坐觀眾妙。浩然媚幽獨。白雲南山來。就我檐下宿。嬾從唐生決。羞訪季主卜。四十九年非。一往不可復。野情轉蕭散。世道有翻覆。陶令歸去來。田家酒應熟。

江上秋懷

餐霞臥舊壑。散髮謝遠遊。山蟬號枯桑。始復知天秋。朔雁別海裔。越鷺辭江樓。颯颯風卷沙。茫茫霧縈洲。黃雲結暮色。白水揚

寒流惻愴心自悲潺湲淚難收
蘅蘭方蕭瑟長歎令人愁

秋夕書懷一作秋日南遊書懷

北風吹海雁南度落寒聲
感此瀟湘客悽其流浪情
海懷結滄

洲一作遠心飛蒼梧霞一作想遙一作遊赤城始探蓬壺事一作始探蓬壺術旋

覺天地輕澹然吟高秋
閑臥瞻太清蘿月掩一作空幕松霜皓

一作雲散前楹滅見息羣動
獵微窮至精桃花有源水
可以保吾生

避地司空原言懷舒州

南風昔不競豪聖思經綸
劉琨與祖逖起舞雞鳴晨
雖有匡濟

心終為樂禍人我則異
於是潛光皖水濱卜築司空原
北將天

柱鄰雪霽萬里月雲開
九江春俟乎太階平
然後託微身傾家

五古 李白下

事金鼎年貌何長新所願得此道終然保清真弄景奔日馭攀

星戲河津一隨王喬去長年玉天賓

南奔書懷一作自丹陽南奔道中作

遙夜何漫漫一作何空歌白石爛甯戚未匡齊陳平終佐漢櫂

槍掃河洛直制鴻溝半歷數方未遷雲雷屢多難天人秉旄鉞

虎竹光藩翰侍筆黃金臺傳觴青玉案不因秋風起自有思歸

歎主將動讒疑王師忽離叛自來白沙上一作兵羅鼓噪丹陽

岸實御如浮雲從風各消散舟中指可掬城上骸爭爨草草出

近關行行昧前算南奔劇星火北寇無涯畔顧乏七寶鞭雷連

道邊既太白夜食昂長虹日中貫秦趙興天兵茫茫九州亂感

遇

一作結

明主恩煩高祖述言過江誓流水志在清中原拔劍擊

前柱悲歌難重論

荊州賊亂臨洞庭言懷作

修蛇橫洞庭吞象臨江島積骨成巴陵遺言聞楚老水窮三苗
國地窄三湘道歲晏天崢嶸時危人枯槁思歸阻喪亂去國傷
懷抱鄧路方邱墟章華亦傾倒風悲猿嘯苦木落鴻飛早日隱
西赤沙月明東城草關河望已絕氛霧行當掃長叫天可聞吾
將問蒼昊

龜鏡書懷

得道無古今失道還衰老自笑鏡中人白髮如霜草捫心空歎

息問影何枯
槁桃李竟何言
終成南山皓

江南春懷

青春幾何時
黃鳥鳴不歇
天涯失鄉一作歸
路江外老華髮
心飛

秦塞雲影滯
楚關月身世
殊爛漫
田園久蕪沒
歲晏何所從
長

歌謝金闕已上寫懷

魯東門觀刈菑魯中○以下詠物

魯國寒事早
初霜刈渚菑
揮鎌若轉月
拂水生連珠
此草最可
珍何必貴
龍鬢織作玉
牀席
欣承清夜娛
羅衣能再拂
不畏素
塵蕪

詠鄰女東窗海石櫺

魯女東窗下海榴。世所稀。珊瑚映綠水。未足比光輝。清香隨風發。落日好鳥歸。願爲東南枝。低舉拂羅衣。無由一攀折。引領望金扉。

南軒松

南軒有孤松。柯葉自懸髯。清風無閑時。瀟灑終日夕。陰生古苔綠。色染秋煙碧。何當凌雲霄。直上數千尺。

求崔山人百丈崖瀑布圖

百丈素崖裂。四山丹壁開。龍潭中噴射。晝夜生風雷。但見瀑泉落。如深雲漢來。聞君寫真圖。島嶼備縈迴。石黛刷幽草。曾青澤古苔。幽緘儻相傳。何必向天台。

見野草中有名白頭翁者

醉入田家去行歌荒野中如何青草裏亦有白頭翁折取對明鏡宛將衰鬢同微芳似相誚流恨向東風

瑩禪師房觀山海圖

眞僧閉精宇滅蹟含達觀列嶂圖雲山攢峯入霄漢丹崖森在目清晝疑卷幔蓬壺來軒窗瀛海入几按煙濤爭噴薄島嶼相凌亂征帆飄空中瀑水灑天半崢嶸若可陟想像徒盈歎齊與眞心冥遂諧靜者翫如登赤城裏揭浩滄洲畔卽事能娛人從茲得蕭散

詠桂二首

園花笑芳年池草豔春色猶不如槿花嫵媚玉階側芬榮何天
促零落在瞬息豈若瓊樹枝終歲長翕絕

世人種桃李多在金張門攀折爭捷徑及此春風暄一朝天霜
下榮耀難久存安知南山桂綠葉垂芳根清陰亦可託何惜樹

君園

宣城戶吏弟昭贈余琴溪中雙舞鶴詩以見志

令弟佐宣城謂余琴溪鶴謂言天涯雪忽向窗前落白玉爲毛
衣黃金不冑揮當風振六翮對舞臨山閣顧我如有情長鳴似
相託何當駕此物與爾騰寥廓已上

題隨州紫陽先生壁

以下
題詠

神農好長生風俗久已成復聞紫陽客早署丹臺名喘息餐妙
氣步虛吟真聲道與古仙合心將元化并樓疑出蓬海鶴似飛
玉京松雪窗外曉池水階下明忽耽笙歌樂頓失軒冕情終願
惠金液提攜凌太清

題元丹邱山居

故人栖東山自愛邱壑美青春臥空林白日猶不起松風清櫟
袖石潭洗心耳羨君無紛喧高枕碧霞裏

題元丹邱潁陽山居

並序

丹邱家于潁陽新卜別業其地北倚馬嶺連峯嵩邱南
瞻鹿臺極目汝海雲巖映鬱有佳致焉白從之遊故有

此作

仙遊渡潁水訪隱同元君忽遺蒼生望獨與洪崖羣卜地初晦
蹟興言且成文卻顧北山斷前瞻南嶺分遙通汝海月不隔嵩
邱雲之子合逸趣而我欽清芬舉蹟倚松石談笑迷朝曛終願
狎青鳥拂衣棲江濱

題瓜洲新河館族叔舍人賁

齊公鑿新河萬古流不絕豐功利生人天地同朽滅兩橋對雙
閣芳樹有行列愛此如甘棠誰云敢攀折吳關倚此固天險自
茲設海水落斗門潮平見沙汰我行送季父弭棹徒流悅楊花
滿江來疑是龍山雪惜此林下興愴爲山陽別瞻望清路塵歸

來空寂蔑

洗脚亭

白道向姑熟洪亭臨道旁前有吳時井下有五丈牀樵女洗素足行人歇金裝西望白鷺洲蘆花似朝霜送君此時去回首淚成行

題金陵王處士水亭

此亭蓋齊朝南苑又是陸機故宅

王子耽玄言賢豪多在門好鷺尋道士愛竹嘯名園樹色老一作

秀荒苑池光蕩華軒此堂見明月更憶陸平原掃地青玉簫為

余置金樽醉罷一作後欲歸去花枝宿鳥喧何時復來此再一作更

得洗鬢煩

題嵩山逸人元丹邱山居並序

白久在廬霍元公近遊嵩山故交深情出處無間
信頻及許爲主人欣然適會本意當冀長往不返
欲便舉家就之兼書共遊因有此贈

家本紫雲山道風未淪落况懷丹邱志冲賞歸寂寞
揚來遊閩荒捫涉窮禹鑿夔緣汎潮海偃蹇陟廬霍憑
雷躡天窗弄景憩霞閣且欣登眺美頰慨隱淪諾三
山曠幽期四嶽聊所託故人契嵩頴高義炳丹腹滅
蹟遺紛囂終言本峯壑自矜林湍好不羨市朝樂
偶與真意并頓覺世情薄爾能折芳桂吾亦采蘭
若拙妻好乘鸞嬌女愛飛鶴提攜訪神仙從此鍊金藥

嘲魯儒

魯叟談五經。白髮死章句。問以經濟策。茫如墜煙霧。足著遠遊履。首戴方頭巾。緩步從直道。未行先起塵。秦家丞相府。不重褒衣人。君非叔孫通。與我本殊倫。時事且未達。歸耕汶水濱。

懼讒

二桃殺三士。詎假劍如霜。眾女妬蛾眉。雙花競春芳。魏姝信鄭袖。掩袂對懷王。一惑巧言子。朱顏成死損。一作傷行將泣團扇戚

戚愁人腸

平虜將軍妻

平虜將軍婦。入門二十年。君心自不悅。妾寵豈得專。出解牀前

帳行吟道上篇古人不睡井莫忘昔纏絲

嵩山采菖蒲者

神人多古貌雙耳下垂肩嵩嶽逢漢武疑是九疑仙我來采菖蒲服食可延年言終忽不見滅影入雲煙喻帝竟莫悟終歸茂

陵田張齊賢曰此篇是詠仙人王興詩語乃櫟括其傳中事

金陵聽韓侍御吹笛

韓公吹玉笛。個儻流英音。風吹繞鍾山。萬壑皆龍吟。王子停鳳管。師襄掩瑤琴。餘響渡江去。天涯安可尋。

白田馬上聞鶯

黃鸝啄紫椹。五月鳴桑枝。我行不記日。誤作陽春時。蠶老客未

歸白田已纒絲一作吳人欲蚤絲驅馬又前去捫心空自悲一作

雜詩

白日與明月晝夜尚一作常不閑况爾悠悠人安得久世閒傳聞

海水上乃有蓬萊山玉樹生綠葉靈仙每登攀一食駐玄髮再

食留紅顏吾欲從此去去之無時還已上題詠

寄遠十二首以下閨情

三鳥別王母銜書來見過腸斷若剪絃其如愁思何遙知玉窗

裏纖手弄雲和奏曲有深意青松交女蘿寫水落井中同泉豈

殊波秦心與楚恨皎皎為誰多寫水即瀉水也本鮑明遠瀉水置平地寫水四句謂彼此兩地

同一相思未知情恨孰多耳

青樓何所在乃在碧雲中寶鏡挂秋水一作月羅衣輕春風新妝

坐落日悵望金一作錦屏空念此一作翦綵送短書願因一作同雙飛鴻

本作一行書殷勤道相憶一行復一行滿紙情何極瑤臺有黃

鶴為報青樓人朱顏凋落盡白髮一何新自知未應還一作老離

居一作君經三春桃李今若為當窗發光彩莫使香風飄聞與一作

取紅芳待

玉筍落春一作清鏡坐愁湖陽水聞一作且與陰麗華風煙接鄰里

青春已復過白日忽相催但恐荷一作飛花晚令人意已摧相思

不惜夢日夜向陽臺

遠憶巫山陽花明綠江暖躊躇未得往淚向南雲滿春風復無

情吹我夢魂斷不見眼中人天長音信短

陽臺一作陰雲隔楚水春草生黃河一作轉蓬相思無日夜浩蕩若

流波流波向海去欲見終無因一作珠江嶺遙將一點淚遠寄如

花人

昔一作妾在春陵東君居漢江島百里望花光往來成白道一作日日

采蘼蕪上山一為雲雨別此地生秋草秋草秋蛾飛相思愁落暉

何由一相見滅燭解羅衣一本暉下添昔時攜手去今時流

憶昨東園桃李紅碧枝與君此時初別離金瓶落井無消息令

人行歎復坐思坐思行歎成楚越春風玉顏畏銷歇碧窗紛紛

下落花青樓寂寂空明月兩不見但相思空留錦字表心素至

今緘愁不忍窺

長短春草綠緣門如有情卷施心獨苦抽卻死還生覩物知妾

意希君種後庭閑時當采掇念此莫相輕

魯編如玉霜筆一作題月支書寄書白鸚鵡西海慰離居行數

雖不多字字有委曲天末如見之開緘淚相續千里若在眼萬

里若在心相思千萬里一書直千金

美人在時花滿堂美人去後餘空牀牀中繡被卷不寢一作更

至今三載聞餘香一作猶香亦竟不滅人亦竟不來相思黃葉

盡一作落白露溼青苔此首一作贈遠

愛君芙蓉嬋娟之豔色若可餐兮難再得憐君冰玉清炯之明

心情不極兮意已深朝共琅玕之綺食

謂玉食也

夜同鴛鴦之

錦衾恩情婉變忽為別使人莫錯亂愁心亂愁心涕如雪寒鐙

厭夢魂欲絕覺來相思生白髮盈盈漢水若可越可惜凌波步

羅襪美人美人兮歸去來莫作朝雲飛陽臺

第八首及末二首均長短句附錄

代贈遠

一作寄遠

妾本洛陽人狂夫幽燕客渴飲易水波由來多感激胡馬西北

馳香鬢搖綠絲鳴鞭從此去逐虜蕩邊陲昔去有好言不言久

離別燕支多美女走馬輕風雪見此不記人恩情雲雨絕曉流

玉筋盡坐恨金閨切織錦作短書腸隨回文結相思欲有寄恐

君不見察焚之揚其灰手蹟自此滅

閨情

流水去絕國浮雲辭故關水或戀前浦雲猶歸舊山恨君流一作

龍沙去棄妾漁陽聞玉筯夜垂一作日夜流雙雙落朱顏黃鳥坐相

悲綠楊誰更攀織錦心草草挑燈淚班班窺鏡不自識况乃狂

夫還

代別情人

清水本不動桃花發岸傍桃花弄水色波蕩搖春光我悅子容

豔子傾我文章風吹綠琴去曲度紫鴛鴦昔作一水魚今成兩

枝鳥哀哀長雞鳴夜夜達五曉起折相思樹歸贈知寸心覆水

不可收行雲難重尋天涯有度鳥莫絕瑤華音

代秋情

幾日相別離門前生穉葵穉自寒蟬聒梧桐日夕長鳴悲白露

溼螢火清霜零兔絲空掩紫羅袂一作空閨長啼無盡時

湖邊采蓮婦

小姑織白紵未解將人語大嫂采芙蓉溪湖千萬重長兄行不在莫使外人逢願學秋胡婦貞心比古松

學古思邊

街悲上隴首腸斷不見君流水若有情幽哀從此分蒼茫愁邊色惆悵落日曛山外接遠天天際復有雲白鴈從中來飛臨苦難聞足繫一書札寄言歎離羣離羣心斷絕十見花成雪胡地

無春輝征人行不歸相思杳如夢珠淚溼羅衣

折荷有贈

涉江翫秋水愛此紅蕖鮮攀荷弄其珠蕩漾不成圓佳人綵雲裏欲贈隔遠天相思無因見悵望涼風前

按此與擬古第十一首大同小異

秋浦寄內

我今尋陽去辭家千里餘結荷見水宿卻寄大雷書雖不同辛苦愴離各自居我自入秋浦三年北信疏紅顏愁落盡白髮不能除有客自梁苑手攜五色魚開魚得錦字歸問我何如江山雖道阻意合不爲殊

自代內贈

寶刀截流水無有斷絕時妾意逐君行纏絲亦如之別來門前
草春盡秋轉碧掃盡還更生萋萋滿行蹟鳴鳳始相得雄驚雌
各飛遊雲落何山一往不見歸估客發大樓東一作海知君在秋浦
梁苑空錦衾陽臺夢行雨妾家三作相失勢去西秦猶有舊歌
管淒清聞四鄰曲度入紫雲嗚無眼中人女弟爭笑弄悲羞淚
盈巾妾似井底桃開花向誰笑君如天上月不寫一回照鏡
不自識別多憔悴深安得秦吉了爲人道寸心

秋浦感主人歸鵲寄內

霜朽楚關木始知殺氣嚴寥寥金天廓婉婉綠紅潛胡鵲別主
人雙雙語前檐三飛四回顧欲去復相瞻豈不戀華屋終然謝

珠簾我不及此鳥遠行歲已淹寄書道中歎淚下不能緘

送內尋廬山女道士李騰空二首

君尋騰空子應到碧山家水春雲母碓風掃石楠花若戀幽居
好相邀弄紫霞

多君相門女學道愛神仙素手掬青靄羅衣曳紫煙一往屏風

疊乘鸞著玉鞭一作不著鞭

在尋陽非所寄內

聞難知痛哭行嘸入府中多君同蔡琰流淚請曹公知登吳章

嶺吳章嶺去尋陽城四十五里嶺南即今南康府也昔與死無分崎嶇行石道外折入

青雲相見若悲歎哀聲那可聞已上關情

白溧水道哭王炎三首

宣州作。以下哀傷。

白楊雙行行白馬，悲路傍晨興。見曉月更似發，雲陽溧水通吳。
關逝川去未央，故人萬化盡閉骨。茅山闕天上，墜玉棺泉中。掩
龍章名飛日月上，義與風雲翔。逸氣竟莫展，英圖俄天傷。楚國
一老人來嗟龔勝，亡有言不可道。雪泣惜蘭芳。

王公希代寶棄世，一何早弔死不及哀。殯宮已秋草，悲來欲脫
劍。挂向何枝好，哭向茅山雖未摧。一生淚盡丹陽道。

王家碧瑤樹，一樹忽先摧。海內故人泣，天涯弔鶴來。未成霖雨
用，先天濟川材。一罷廣陵散，鳴琴更不開。

十八家詩鈔卷六

善化黃維申襲校